



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: A-346/20

Datum: 13.10.2020. godine

Na osnovu člana 70. Zakona o javnim nabavkama Bosne i Hercegovine („Službeni glasnik BiH”, broj: 39/14) i člana 34. Pravilnika o javnim nabavkama Tužilaštva – Tužiteljstva BiH broj: A-97/17 od 25.05.2017. godine, glavni tužilac Tužilaštva – Tužiteljstva BiH donosi

ODLUKU
o izboru najpovoljnijeg ponuđača

Član 1.
(Predmet odluke)

Ugovor o nabavci za usluge štampanja za potrebe Tužilaštva – Tužiteljstva Bosne i Hercegovine, dodjeljuje se ponuđaču **Štamparija Fojnica d.d. Fojnica.**

Član 2.
(Kriterij za dodjelu ugovora)

- (1) Ponuda ponuđača iz člana 1. ove odluke zadovoljava sve uslove utvrđene u predmetnom Konkurentskom zahtjevu za dostavu ponuda.
- (2) Ponuđaču iz člana 1. ove odluke, ugovor će biti dodijeljen u skladu sa elementima Ponude, te uslovima i kriterijima utvrđenim u Obavještenju o nabavci i Zahtjevu.

Član 3.
(Stupanje na snagu)

Ova odluka stupa na snagu datumom donošenja.

Obrazloženje

Postupak javne nabavke pokrenut je Odlukom o pokretanju postupka javne nabavke broj: A-346/20 od 10.09.2020. godine. Javna nabavka je provedena putem konkurentskog postupka. Obavještenje o nabavci je objavljeno na web portalu: <https://ejn.gov.ba/>, broj obavještenja: 435-7-2-235-3-21/20 od 16.09.2020. godine.

Do krajnjeg roka za dostavu ponuda, na Protokol Tužilaštva – Tužiteljstva zaprimljeno je pet uredno zapečaćenih i neotvorenih ponuda ponuđača: Štamparija Fojnica d.d. Fojnica sa ponuđenom cijenom od 9.922,00 KM bez PDV-a, Grafičar d.o.o. Bihać, Bihać sa ponuđenom cijenom od 20.070,00 KM bez PDV-a, Svjetlost – BH Print d.o.o. Sarajevo sa ponuđenom

cijenom od 20.482,34 KM bez PDV-a, PlanPlus d.o.o. Zenica, Zenica sa ponuđenom cijenom od 13.176,00 KM bez PDV-a i Print-GS d.o.o. Travnik, Travnik sa ponuđenom cijenom od 13.860,40 KM.

Na osnovu Odluke o imenovanju Komisije za provođenje postupaka javnih nabavki Tužilaštva-Tužiteljstva BiH za 2020. godinu, broj: A-450/19 od 26.12.2019. godine i A-450-1/19 od 31.03.2020. godine, članovi Komisije (u daljem tekstu: Komisija) izvršili su pregled i ocjenu ponude i utvrdili su sljedeće:

- Ponuđač Print –GS d.o.o. Travnik, Travnik, u Obrascu za ponudu tačka 5. nije se izjasnio da ponuda ispunjava uslove za primjenu preferencijalnog tretmana domaćeg ali je dostavio dokaz – potvrdu Vanjskotrgovinske komore BiH kojom Vanjskotrgovinska komora BiH potvrđuje da usluge koje su predmet nabavke zadovoljavaju uslove za izdavanje certifikata o BH porijeklu. Komisija smatra da iz činjenice da je ponuđač dostavio validan dokaz o ispunjenosti uslova o primjeni preferencijalnog tretmana domaćeg, nedvosmisleno proizilazi i njegova tvrdnja da istim raspolaže, te stoga nezaokruživanje ponuđene opcije na Obrascu za ponudu ne predstavlja bitan propust koji bi osporio njegovo pravo na primjenu preferencijalnog tretmana domaćeg.
- Komisija je utvrdila da je ponuda ponuđača Štamparija Fojnica d.d. neprirodno niska u odnosu na ostale dostavljene ponude, pa je u skladu sa članom 66. stav 1. Zakona o javnim nabavkama dana 28.09.2020. godine uputila Zahtjev za pojašnjenje neprirodno niske ponuđene cijene ponuđaču Štamparija Fojnica d.d. Fojnica. Nakon zaprimljenog pojašnjenja od dana 01.10.2020. godine u kojem je ponuđač Štamparija Fojnica d.d. Fojnica dostavio detaljne informacije o relevantnim sastavnim elementima cijene, Komisija je razmatrala dostavljeno pojašnjenje i isto prihvatila u skladu sa članom 66. stav 2. Zakona o javnim nabavkama.
- Analizom dostavljenih ponuda i poređenjem istih sa zahtjevima navedenim u Konkurentskom zahtjevu za nabavku usluga štampanja za potrebe Tužilaštva – Tužiteljstva Bosne i Hercegovine, broj: A-346/20 od 10.09.2020. godine, utvrđeno je da su sve dostavljene ponude u potpunosti prihvatljive i zadovoljavaju uslove Konkurentskog zahtjeva i Tehničke specifikacije.

Konkurentskim zahtjevom predviđena je e-aukcija, koja je i provedena dana 12.10.2020. godine. Na e-aukciji nijedan ponuđač nije ponudio novu ponudu, te je najpovoljniji ponuđač nakon završetka e-aukcije Štamparija Fojnica d.d. Fojnica, sa konačnom cijenom u iznosu od 9.922,00 KM bez PDV-a.

Shodno navedenom, članovi Komisije su uputili preporuku glavnom tužiocu Tužilaštva-Tužiteljstva Bosne i Hercegovine donošenje odluke o dodjeli ugovora ponuđaču Štamparija Fojnica d.d. Fojnica, čija ponuda u potpunosti ispunjava uslove za nabavku predmetnih usluga.

Uzimajući u obzir navedeno, odlučeno je kao u dispozitivu ove odluke.

Pouka o pravnom lijeku

Žalba se izjavljuje Uredu za razmatranje žalbi Bosne i Hercegovine putem Tužilaštva – Tužiteljstva Bosne i Hercegovine u pisanoj formi u tri primjerka neposredno, elektronskim putem ili preporučenom poštanskom pošiljkom u roku od pet dana od dana prijema ove odluke.



GLAVNI TUŽILAC
TUŽILAŠTVA – TUŽITELJSTVA BIH

Gordana Tadić
Gordana Tadić

Dostavljeno:

- Ponuđačima;
- Odjelu za mat.-fin. poslove.